



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus IV. De Jubilæo anni Sancti.

---

[urn:nbn:de:hbz:466:1-73064](#)

332 Tract. in Lib. V. Decretal. Quæst. XXXVIII.

præscripta, quoquæ die, ac ordine intra tempus durantis indulgentiæ, vel Jubilæi, quando non requiritur dies determinatus, ut exprimitur in triplici jejunio.

**1460** Quæres 7. an, si non exprimatur in Bulla, quod opera præscripta debeant esse *non debita ex alio titulo*, satisstat per jejenum v. g. licet alias (vel propter quadragesimam, in qua concessum est tale jubilæum, vel propter quatuor tempora, aut vigiliam tunc incidentem) sit debitum? Res. affirmativa; quia, ut dicemus infestius in concessione indulgentiæ, vel jubilæi, quæ continent onus, benignior interpretatio est; ita Layman cit. n. 13.

**1461** Quæres 8. an jubilæum concessum unius Provinciæ, lucrari valeant etiam advenæ, ac peregrini? Responsio affirmativa, tanquam probabilius, deduci potest ex dictis à n. 1447. cum enim teneantur legibus localibus, seu statutis in speciale bonum talium locorum conditis; eo ipso secundum juris regulam specialibus etiam eorum commodis frui poterunt, per regulam 55. in 6. præsertim, cum id jure communii definitum sit, cui, nisi aliud exprimat Pontifex, se conformare censetur. Ubi tamen nota, non requiri, quod opera præscripta, omnia fiant in eo loco, ubi jubilæum extraordinarium promulgatum est. Nam de hoc nihil in concessione jubilæi cautum est, consequenter, cum versemur in materia valde favoribili, id exigendum non est. Ex quo sequitur, si Lincii v. g. promulgatum est Jubilæum, te habitante Lincii; postquam ibidem visitasti Ecclesiæ designatas, & orationem debitam persolvesti, posse te jejunia, largitionem eleemosynæ, confessionem, & communionem peragere etiam extra Lincium, quovis alio loco; Sic Layman cit. c. 8. n. 11. Etatio est, quia favor jubilæi est personalis. Etideo advena, vel peregrinus, qui venit ad aliquem locum, durante inibi hoc jubilæo, potest lucrari omnes indulgentias, & favores, si designatas ibi Ecclesiæ cum oratione debita visitavit, licet hoc absulito discedat, & opera reliqua alibi peragat. Hæc enim tali loco alligata non sunt.

ARTICULUS IV.

De jubilao anni Sancti.

**1462** Pro resolutione not. 1. inter Remissiones in lege gratiæ, de quibus agitur h. t.

comprehendi etiam jubilæa, imitatione anni Remissionis in lege veteri, de quo Numerorum ult. & Levit. 25. ac 27. *Jubileum* enim apud Hæbraeos olim significabat annum quinquagesimum Remissionis, quo servis donabatur libertas, relaxabantur dilecta prædia divendita revertabantur ad antiquos possesseores, exiles in patriam, & libertatem pristinam redibant. Usus jubilæi etiam in lege gratiæ antiquissimum esse multis probat Henr. de Indulg. c. 15. & alii.

Not. 2. inter *Indulgentias*, & *Jubileum*, ex communi Doctorum sensu esse hanc differentiam, quod *jubileum*, ultra indulgentias continet alias facultates, ut absolvendi reservatis, dispensandi, vel commutandi vota, relaxandi juramenta, &c. ut notat Suarez d. 50. l. 4. n. 8. quem citat, & sequitur Castropalaus p. 4. tr. 24. D. unicâ. p. 12. n. 5. & alii communiter; & Gobat de Jubilæo c. 1. dicens: hanc vocem *Jubileum*, simpliciter, & absolute prolatam, communiter usurpari pro favore, quo præter indulgentiam plenariam conceditur facultas communandi vota, & absolvendi tum à censuris, tum casibus reservatis. Nec enim, inquit Gobat cit. n. 2. legi ullam bullam, in qua Pontifex dicat, se concedere Jubilæum, & non simul concedat tacite prædictas facultates, exceptâ solâ Bullâ antiquissimâ Alexandri III. de Jubilæo Compostellano, in qua non datur potestas communandi vota; ergo communiter usurpatur pro dictis facultatibus.

Ex hoc infert Gobat n. 4. si quo casu 1464 Pontifex alicui communiatte absolutedicere: *concede ribi Jubileum*, illam communiatem hoc ipso sibi prudenter persuadere, se, præter indulgentiam plenariam, habere potestatem eligendi confessarium, qui à censuris & reservatis casibus omnibus absolveret, & vota commutaret, quod videtur intelligendum, nisi aliqua vel explicite reservarentur; vel ex communi, & probato stylo in ejusmodi concessionibus reservari solerent, licet non exprimantur. Nam verba intelligenda sunt, ut communiter intelliguntur & usurpantur; ergo cum hic terminus *Jubileum* communiter intelligatur de dictis favoribus, prudenter ea communitas pro illis concessionem facultatem usurparet. Anteced. patet c. ex litteris 1. de sponsalibus, ibi: *ad communem verbi intelligentiam recurritur*, si scilicet verba sint obscura.

Not.

# In Tit. XXXVIII. De Pœnitentia & Remission. 333

- 1465 Not. 3. Jubilæum (nimirum anni sancti) olim centesimo quoque anno concessum esse, prout constat ex Bonifacio VIII. Extravagant. *Antiquorum* h. t. inter communes; quod postea Clemens VI. in Extravag. *Unigenitus*, cod. reduxit ad annum quinquagesimum, hanc formam approbantibus Urbano VI. Martino V. & Nicolao V. licet deinde Paulus secundus, quem fecutus est Sixtus IV. in Extravag. *Quemadmodum*, eodem, reduxerit ad annum 25. quem morem reliqui deinceps Pontifices confirmarunt; ita Castropol. cit. p. 12. n. 4.
- 1466 Not. 4. inter favores in jubilæis concessos, etiamsi non exprimatur, comprehendi (præter indulgentiam plenissimam omnium peccatorum) facultatem absolvendi à reservatis, commutandi vota, & componendi super malè ablatis in certis, vel illicito contractu acquisitis, tradi à Castropol. cit. n. 5. Nam, si in significatione vocis *Jubilæum* non comprehendenterentur, immēritò illas facultates exciperet, dum tempore Jubilæi Romani suspendunt prædictas facultates, (quod enim in aliquo defē non continetur, non subest exceptioni ab illo) at hæc exceptio communiter sit in const. ex Extravag. *Quemadmodum*, & aliis, ergo. V. tamē à n. 2470. quæ opponuntur contra hunc, & n. 1464.
- 1467 Not. 5. potissimum nobis hic quæstionem esse quoad illud punctum *Jubilæi anni Sancti*, quo, durante hoc Jubilæo Romæ extra illam suspenduntur omnes indulgentiae, & facultates, quæ alias extra illud jubilæum Romanum, diversis concessæ sunt, ut videri potest in Extravagantib. suprà citat. & Constitut. Gregorii XIII. quam integrum refert Navar. de Indulg. not. 33, ubi Pontifex sic loquitur: Nos pro consequenda eo anno indulgentia, quæ dictis literis expressa est, multorum Romanorum Pontificum morem sequuti, de Apostolice potestatis plenitudine, suspendimus ad nostrum, & Sedi Apostolica benefacit, omnes, & quæcunque Indulgentias plenarias, etiam ad infra Jubilæi, & earum causâ facultates, concessiones, & indulta quæcunque à nobis, & dicta Sede, ejusque autoritate quibuscunque Ecclesiis & Monasteriis, utriusque sexus, ac Conventibus, Domibus, Congregationibus, Hospitalibus & piis locis; nec non Ordinibus, etiam Mendicantium, ac Militarium, necnon Confraternitatibus
- & Universitatibus, earumque, & aliis cū jusque dignitatis, gradus, & conditionis personis Ecclesiasticis & Secularibus per universum orbem constitutis, etiam per modum communicationis, extensionis, & alias quæmodocunque, perpetuo, vel ad tempus, quibusvis modis, & ex quibusvis causis concessas, & concessa; quibuscunque illa sint concepta formulis, ac restrictionibus, revocationibus mentis, attestacionibus, aliisque clausulis & decretis communia. Decernentes interim illa, & literas desuper confessas, nulli prorsus suffragari debere; nec non irritum & inane, quidquid sc̄iū per quoscunque contigerit attentari: Indulgentiis Basilicarum, & aliarum Ecclesiæ Urbis nihilominus in suo robo duraturis.
- Sub hæc ibidem præcipitur, ne alia in 1468  
dulgentia interim publicentur, aut in usum demandentur sub poena excommunicatio-  
nis incurnda ipso facto, non obstante. &c.  
Ex quibus verbis plures dubitationes occur-  
runt, communiter in novis ejusmodi Jubi-  
læis; præsertim ex eo, quod non omnes  
Pontifices utantur terminis, æquè genera-  
liter suspensivis. Nam Bonifacius VIII. in  
Extravag. *Antiquorum*, concedens jubilæum quovis anno centesimo, nullam fa-  
cit mentionem indulgentiarum & aliarum  
facultatum suspensivam extra Romani, du-  
rante inibi Jubilæo anni sancti, id, quod  
etiam habet Clemens IV. in Extravag. *Uni-  
genitus*, concedens Jubilæum quovis anno  
quinquagesimo.
- Econtra Sextus IV. in Extravag. *Quemadmodum* h. t. concedens jubilæum anni Sancti, quovis anno 25. (id, quod jam ante Paulus II. fecerat) ita loquitur: Verum, quia postmodum tam Nos, quam idem Paulus Prædecessor noster (dum in humanis age-  
ret) animarum saluti fidelium intenti, multorum Principum, & aliorum Christi fide-  
lium, ac devotarum personarum pulchri-  
precibus, diversas indulgentias, & pecca-  
torum remissionses plenarias nonnullis Ec-  
clesiis, Monasteriis, & piis locis duximus  
concedendas, propter quas populorum forsitan  
concursus ad Basilias, & Ecclesias ante dia-  
gas retardari, aut ipsius anni jubilæi cele-  
britas minui, vel intermittere posset, cum ant-  
marum non modico detrimento. Nos (qui  
universorum credentium profectibus, &  
saluti prospicere ex debito ministerii pasto-  
ralis adstringimur) ne propter aliarum in-  
dulgen-

Tt 3

dulgen-

334 Tract. In Lib. V. Decretal. Quæst. XXXVIII.

dulgentiarum hæc tenus à nobis, seu eodem Paulo, vel aliis prædecessoribus nostris confessarum, hujusmodi effusionem, hoc sanctum opus ac remissionis & gratia annus jubileus intermittatur, aut fideles ipsi à tanto munere reddantur expertes, remedii opportunis providere volentes, omnes & singulas plenarias, etiam ad instar jubilæi, ac etiam commutandi vota, aut super eis, & male ablati incertis, aut per usurariam prævitatem, vel alium illicitum modum extortis dispensandi, & componendi, aut illa sub certis, modo & forma remittendi; & deputandi Confessores cum potestate absolvendi, etiam in casibus Sedi Apostolicae reservatis, facultates, concessiones, & indulta à nobis, & eadem Sede, vel illius auctoritate, quibuscumque Ecclesiis, Monasteriis, Hospitalibus, & piis locis, Universitatibus, Fraternitatibus quibuslibet, tam in perpetuum, quam ad certum tempus, in vita, seu in mortis articulo (quovis modo, aut quavis causa) quomodolibet concessas, & concessa, & imposterum forsitan concedenda, auctoritate Apostolica tenuere præsentium de Apostolicae potestatis plenitudine, usque ad nostrum, & ejusdem Sedis beneplacitum, suspendimus, illasque durante beneplacito nostro & Sedis prædictæ, suspensas esse volumus, nec interim alicui suffragari: Indulgentiæ tamen Basiliacarum, & Ecclesiæ diocesis urbis in suo plenario labore durantibus.

**1470** Ex hoc, si hæc verba Sixti conferuntur cum verbis Gregorii XIII. relatis n. 1467, clare patet, Pontifices in suspensionibus indulgentiarum, & aliarum facultatum (quaerunt pro jubilæo anni Sancti) non semper loqui terminis æque universalibus. Nam 1. Sixtus in Constit. Quemadmodum non suspendit indulgentias plenarias singularibus personis concessas, lecus Gregorius, ut liquet ex ejus verbis in n. jam cit. 2. Sixtus & Gregorius exprimunt mentem suam his verbis: *Suspendimus omnes & singulas indulgentias plenarias*, posteriores autem Pontifices, Clemens & Urbanus VIII. non facta ullæ expressione pleniarum, dicunt: *suspendimus omnes, ac singulas indulgentias sub quibuscumque tenoribus concessas*, ut notat Gobat de Jubilæo c. 8. q. 23. n. 39. 3. in iisdem Constitutionibus Sixtus & Gregorius dicunt suspensionem faciunt ad arbitrium suum, & Sedis Apostolicae. Clemens vero, Urbanus VIII. & Innocentius X. in sua Con-

stit. Cum nos nuper 1649. solùm, durante Jubilæo. 4. Gregorius clare exprimit, non revocari omnes facultates alias concessas, sed solùm eas, qua ratione indulgentiarum concessas sunt: alia autem: Urbanus Clemens & Sixtus non facta mentione illius dependetia ab indulgentiis. 5. Sixtus suspendit indulgentias, & indulta, in vita, seu in articulo mortis concessas & concessa; concedendas & concedendæ: alii vero, ut Gregorius XIII. Clemens, Urbanus & Innocentius X. omittunt illam clausulam, & sic in aliis de quibus videri potest Gobat loc. cit. Ex hac igitur diversitate suspensionum, non æqualiter factarum ab omnibus, plures difficultates enatae sunt, de quibus in sequentibus. Hinc

Quæres 1. an Indulgentiae, & facultates in jubilæo anni sancti suspensæ, indigent novâ confirmatione, illo transfacto affirmativam sequitur Navarr. cit. notat. 2. à n. 27. Zerola V. *Annus Sanctus s. adiutorium*, & alii. Nam hæc suspensio fit ad beneplacitum, ut diximus; ergo manet, dum hoc vel cœlestis morte Pontificis, vel mortatæ ejus voluntate. Sed praxis, & confitudo, quæ statim finito jubilæo, etiam sciente, & tolerante S. Sede Romana rursum publicantur indulgentiae, & ad ultimam deducuntur facultates prius concessæ, sive ullo novo recurso ad Pontificem, demonstrat non solùm jure novo, quo ea clausula non apponitur, sed etiam antiquo, licet apposita fuerit, aliud non fuisse intentum per ea verba: *ad beneplacitum nostrum, vel Sedis Apostolicae*, quam suspensas esse, durante jubilæo, nisi aliquid placeat Pontifici tam eo tempore; cum subinde, etiam eodem, Pontifices dispensare soleant in certis casibus; ita Layman 1. 5. tr. 7. c. 8. n. 2. & Castropol. cit. p. 12. §. 1. præseriūm n. 14.

Quæres 2. an, durante jubilæo Roma 1471, suspensæ sint omnes indulgentiae plenariae, vivis concessæ? ante resolutionem not. 1. faciendi dictas suspensiones indulgentiarum extra Romam, potissimum causam fuisse, & esse (prout ipsi summum Pontifices in suis decretis suspensiis differtè exprimunt) ne (si etiam tunc, dum Romæ celebratur jubilæum anni Sancti, fideles possent indulgentias extra Romam consequi) concursus hominum ad urbem, atque solennitas jubilæi ex tanto affluxu omnium Nationum, & statu hominum impeditatur, non

non futurus catoquin, si domi sua dictas gratias obtinere possent. V. n. 1469. Ex hoc merito infert Castropol. cit. n. priori, per verba suspensionis omnium indulgentiarum, non comprehendendi indulgentias, nisi vivis concessas; non autem directe fidelibus defunctis. Nam in his nullatenus esse potest locus causæ, quā potissimum nuntiatur ejusmodi decreta suspensiva, id, quod pluribus patebit ex dicendis in sequentibus.

1473 Not. 2. Quod Summi Pontifices in Bullis, quibus indicarunt jubilatum anni sancti, & decretis suspensivis indulgentiarum ac facultatum, extra urbem, durante inibi Jubilao, communiter dicant: *se suorum Prædecessorum vestigia sequi*, ut constat ex n. 1467. consequenter tacite innuant, se in dictis suspensionibus, non plus, nec minus velle, quam eorum Prædecessores in tali casu fecerint, nisi aliud exprimant pro certo casu, & materia particulari.

1474 Not. 3. Postquam Innocentius XII. aper- ruisset annum sanctum elapsa super Vigiliam Nativitatis Domini, anno 1699. secuto pariter decreto suspensivo, ut solet, indulgentiarum & facultatum, alias diversis competentium extra jubileum, emanasse quandam declarationem, seu notificationem resolutivam quorundam dubiorum, cuius ex Italico in Latinum translatæ tenorem subjici, quæ si habet:

1475 *Notitia gratiarum, & Declarationis factæ à Sanctitate sua, Domino Papæ INNOCENTIO XII. occasione praesentis jubilæi anni sancti.*

Gasper, Miseratione divina Episcopus Sabinensis S. R. E. Cardinalis de Carpino SS. D. N. Papæ Vic. Gen. Romanaque Curiæ, ejusque districtus, Judex Ordinarius, &c.

Sanctitas Domini nostri, *ex mandato nobis dato, vivæ vocis oraculo*, cupiens amplius dilatare gratias, omnibus illis concessas, qui concurrerunt, & concurrent ad hanc aliam Civitatem Romanam, ut ibi consequantur plenissimum jubileum hoc anno sancto; nobis imposuit, ut veniamus ad infra scriptas concessiones, *declarando* adhuc quædam dubia exorta, ob quæ ambiguae & suspense manebant conscientiae fidelium; quorum paci & quieti vult sua

Sanctitas, quantum fuerit possibile, providere. Et statim subjungit:

Primò ad facilitandam omnibus Regulæ consecutionem tanti thesauri spiritualis, & suggestandam occasionem adificandi magis populum, comparendique decore, convenientiæ personis DEI obsequio dicatis, notum sit, sanctitatem Domini nostri contentam esse, ut visitent 4. tempora ter, ac triduo, vel continuato, vel interpolato simul omnes, vel saltem per vires medietas eorum, qui morantur in una domo, vel Conventu, consecuturi sanctissimum jubileum, ac si trigesies visitassent. Observando tamen de reliquo, quantum commendatur in Bulla jubilæi, quos in Domino exhortamur, ut procedant ordine composito, recitando psalmos, alias preces, & laudes divinas.

Secundo, idem indultum, cum visita-  
tione tamen quatuor dierum continuorum,  
aut interpolatorum, concedit sanctitas sua  
omnibus Alumnis, vel convictoribus, qui  
student scientiis, & bonis artibus, ac in  
Communitate vivunt, modo saltem pro-  
cedat medietas eorum in numero, assi-  
stentibus tamen saltem Praefecto, aut Re-  
store, aut alio curam gerente, qui pari  
privilegio donantur, unâ cum famulis co-  
rum, commendata tamen pariter mode-  
stia in ordine procedendi, quem comite-  
tur bonum exemplum orationis.

Tertiò, Regulares deinde aliunde advenientes, ad obtinendum Sanctum jubileum, qui incorporare se cum aliis sui ordinis, & regulæ voluerint, gaude-  
bunt eadem habilitate, id adimplendi cum illis per tres tantum visitationes, modo suprà dicto. Et si exspectare non possent  
communitatem cum aliis; aut supervenient,  
postquam alii suas visitationes jam  
compleverunt; placet suæ sanctitati, ut  
cencantur id complevisse visitando quin-  
quies tempora per quinque dies, vel conti-  
nuos, vel interruptos, acsi visitassent per  
omnes quindecim dies, quos illis bulla  
præscribit.

Quarto conceditur etiam Societatibus, & Confraternitatibus aliunde advenientibus, ut facta unâ visitatione processionaliter; & duabus à confraternitatibus, & Sororibus privatim, & per ipsos, satisfaciant visitationibus injunctis in Bulla, acsi eas in-  
tegrè complevissent.

Quinto, compatiens ulterius sua Beati-  
tudo

336 Tract. In Lib. V. Decretal. Quæst. XXXVIII.

título civibus, & incolis Romæ, qui inchoârunt, & infirmatum causâ non possunt prosequi visitationes, ne priventur fructu incepti laboris, & piæ intentionis, qua eas suscepserunt; afflictique dupliciter sint, & in corpore, & in spiritu; concedit Parochis, Pœnitentiariis & Confessariis, Deputatis in altera nostra Declaratio-ne, facultatem commutandi illis injunctum opus visitationis templorum in alio, quod censem proportionatum possibiliati dictorum Civium, & Incolarum infirmorum. Et si ex improviso morte obruerentur, priusquam obtinerent, & peterent dictam commutationem, sua Sanctitas illis facit gratiam sancti jubilæi, ac si satisfecissent.

**1481** Sextò, ut omnis tollatur ambiguitas, ac fideles certi sint indulgentiarum, quas possunt consequi, declaramus oraculo sua Sanctitatis, ut supra, *quod in generali suspensione indulgentiarum*, contenta in Bulla data 28. Maii 1699. & publicata eodem die; utri & 10. Decembribus dicti anni, *non intelligantur suspensa indulgentiae Altarium privilegiatorum pro defunctis*; nec ullæ aliae, eodem modo *concessæ pro solis defunctis*; sed bene illæ, quas possunt consequi vivi cum facultate applicandi eas, per modum suffragii defunctorum; nec indulgentiae concessæ in articulo mortis; & facultas communicandi eas alii; quemadmodum non cessant facultates Tribunalis sanctæ Inquisitionis, & Officialium illius, & Missionariorum & Ministrorum, qui à dicto Tribunalis, & à Sancta Congregatione de propaganda fide, vel cum autoritate Apostolica Deputati ad id sunt: & specialiter illæ, quæ sunt ad absolvendum ab hæresi eos, qui poenitentes eam abjurant, & se dictæ absolutionis reddunt capaces.

**1482** Septimò, ut conservetur devotum institutum frequentandi visitationem quadraginta horarum, & principalium Sanctuariorum hujus Urbis, concedit sua Sanctitas Domini nostri, *non obstante dictâ generali suspensione*, indulgentias obtineri solitas quovis alio tempore illis fidelibus Christianis utriusque sexus, qui visitaverint *septem Ecclesiæ*, & etiam *Scalam sanctam*, & *Stationes* diebus determinatis.

**1483** Octavò, item qui comitati fuerint sanctissimum Viaticum, dum ad infirmos defertur, aut si ab hoc impediti, faciem submiserint modo, formâ, & conditione,

quibus reperiuntur concessæ: item illis, qui visitaverint Ecclesiæ, in quibus expositum habebitur Sanctissimum Sacramentum diebus quadraginta horarum circularium, & ordinariarum separatim descriptarum in folio publicato, & publicando ex mandato nostro pertotum annum Sanetum, & ibi commorati fuerint in oratione per illud spatum temporis, quod ipsis devotione suggesterit, confessique communicaverint, aut saltem haberint firmum propositum confitendi, septem annos, & totidem quarantena indulgentiarum pro quavis vice. Datum in palatio solita nostræ Residentiæ, hodie 24. Januarii. 1700.

GASPAR Cardinal. Vicarius.

*Ant. Abbas Bonaventura,  
Secretarius.*

Ex his sequitur, durante jubilæo Romano, non omnes omnino indulgentias plenarias, vivis concessæ, esse suspensæ. Nam inter indulgentias concessæ visitantibus Romæ septem Ecclesiæ, & etiam scalam, & stationes Urbis, diebus determinatis, sunt plures indulgentiae plenariae vivis concessæ; at hæ durante jubilæo Romano non sunt suspensa, ut constat ex declaratione Innocentii XII. de qua in predict. ergo. Reliquæ vero dubitationes, quæ tali tempore communiter fiunt, inrequentibus resolvendæ sunt, sit igitur:

S. I.

*An durante Jubileu anni Sancti, suspensa fuerit extra Romanam communicationem indulgentiarum stationum Urbis?*

**P**lures sunt Religiones, in quarum Ecclæsis certis diebus, visitantibus septem altaria, vel fundentibus certas processæ, concessæ sunt eadem indulgentia, quæ conceduntur Romæ visitantibus septem Ecclesiæ, vel stationes diebus determinatis; & quia hæ durante jubilæo anni Sancti, pro his, qui tales visitationes Romæ peregerint, non sunt ibi suspensa, ut constat ex declaratione Innocentii XII. quam retulimus n. 1482. quæstio est, an etiam illi, qui extra Romanam idem privilegium via communicationis habent, easdem, ut Romani, lucrari possint, visitando dictas Ecclesiæ privilegiatas, ut præscriptum est.

Ad hanc quæstionem videtur distin-

guen-

guendum, an sermo sit de indulgentiis tantum plenariis, an etiam non plenariis, & solum partialibus? Gobat de jubilæo c. 9. n. 41. indefinite dicit, non valere tunc eam communicationem, si stetur Bulla Gregorii XIII. de qua diximus n. 1469. at valde probabiliter hæc sententia indefinitè loquens de omnibus indulgentiis per viam communicationis solum intelligitur de plenariis; cum enim Gregorius loco cit. in Decreto suspensivo indulgentiarum expressè loquatur solum de plenariis, ex ejus constitutione suspensiva indulgentiarum (earum quoque, que habeantur via communicationis) plus non infertur, quam spendi plenarias.

1487 Si autem in Decreto suspensivo indulgentiarum non fiat expressa derogatio, seu suspensio indulgentiarum earum, que habentur via communicationis cum Ecclesiis Romanis, in quibus certæ indulgentiae non sunt suspensæ, censet Gobat cit. n. 41. §. Et censio, eas extra Romam nihilominus esse suspensas: quia tales Bullæ sunt firmatae clausulis efficacissimis; 2. quia suspensio talium indulgentiarum est ferè necessaria ad finem, ob quem suspendi solent indulgentiae (ne usu illarum extra Urbem impediatur accessus ad limina Apostolorum, ut disserit exprimitur in Extravag. Quemadmodum) cum multi millions hominum habeant eiusmodi communicationem.

1488 Verum esto sit, quod tales Bullæ sint firmatae clausulis efficacissimis, si tamen in Decreto indulgentiarum suspensivo apposita non afficiant certas indulgentias, respectu earum dici non possunt effectum suspensionis operari; at quando in Decreto indulgentiarum suspensivo nulla fit mentio de indulgentiis, quæ obtineri possunt via communicationis, cum iis, qui eas lucrari possunt, etiam durante jubilæo Romæ, cuius Decreti clausula quantumvis efficacissimæ, indulgentias non afficiunt; tendunt enim ad ea tantum, de quibus Decreto aliquomodo meminit, ergo; secus est si de illis in Decreto suspensivo fiat mentio saltem generalis v. g. de indulgentiis, quomodocunque, quacunque ratione, vel causa concessis.

1489 Altera vero ratio, quam adducit P. Gobat precedente numero relatus, ad summum probat, in casu, quo non fit expressa mentio de indulgentiis per viam

communicationis, sed tantum tacitâ, seu in genere (quomodocunque concessis) comprehendî, ac censeri suspensas solum plenarias tunc obtainendas per viam communicationis, non autem partiales tantum, & non plenarias. Nam cum decretum, durante anno sancto Romæ suspensivum indulgentiarum, alias consequibilium extra Romam, directè intendat favorem divini cultus, & splendorem Ecclesiæ Romanae per affluxum omnium nationum, & statuum, ad celebrandam in Urbe festivam illam solennitatem, cui plurimum honoris, & cultus accedit ex affluxu illo hominum; eos duntaxat favores extra Urbem indirectè interim suspendere dicendum est, qui retardarent eum affluxum, si tunc extra Urbem obtineri possent; hoc autem non præstant indulgentiae solum partiales; cum pauci eo titulo Romanum iter omitterent, licet domi suæ illas consequi valerentur ergo

§. 2.

*An durante jubilæo anni sancti, extra Romanam suspensa fuerint indulgentiae altariis privilegiatis concessæ.*

Has indulgentias non esse suspensas in 1490 jubilæo anni sancti tempore Innocentii XII. inchoato in vigilia Nativitatis Domini anno 1699, constat ex ejusdem declaracione, de qua n. 1481. Sed quæstio procedit universaliter, quando decretum suspensivum loquitur indefinite, ut quandoque fit, dicendo: *omnes, & singulas sub quacunque forma concessas*, præterim ubi nulla tunc declaratio, vel limitatio hujus clausulae generalis sequitur, aut occurrente dubio habeti potest? Dicendum, non obstante illâ generali clausula probabilius videri, neque tunc suspendi indulgentias concessas *altariis privilegiatis*, nisi hoc in suspensione specificative exprimatur. Sic Peyrinis tom. I. f. 154. Castropal. p. 4. tr. 24. d. unic. p. 12. §. 1. n. 7. ubi docet, per eam clausulam non suspendi indulgentias nisi plenarias *in favorem vivorum concessas*. Nam hæc indulgentiae, licet durent extra Romam, concursum populi ad limina SS. Apost. & solennitatem exinde nascentem non impediunt, cum sint solum pro defunctis, at hæc per eam clausulam generali non suspenduntur, prout constabit ex dicendis in seqq. & ratio est, quia per favorem, qui defunctis directè præstat, non

*Tom. V.*

## 338 Tract. In Lib. V. Decretal. Quæst. XXXVIII.

non minuitur affluxus ad solennitatem Romanam; cùm vix plus inferat, quām absentiam defunctorum, ut per se patet.

**1491** Hoc extendit loc. cit. Castropalaus ex eadem causa ad indulgentias plenarias, quæ per modum suffragii defunctis applicari possunt, quia harum consecratio, jubilæi consecutionem non retardat, pro eadem sententia citans P. Layman. s. summa tr. 7. c. ult. Hæc opinio videtur omnino tenenda, quoties suspensio talium indulgentiarum non exprimitur in specie. Quia per eorum consecutionem (secundum quod cedit in solatium defunctorum) nihil fit contra finem, quem principaliter respicit illa suspensio, ut patebit consideranti causam talis suspensionis in n. 1469. Coeterum in anno sancto jubilæi sub Innocentio XII. specificè suspensa sunt etiam indulgentiae per modum suffragii, ut pater ex ejusdem Declarat. supra in n. 1481.

**1492** In confirmationem eorum, quæ in præmissis dicta sunt, dici potest, quod per dictam clausulam generalem (*omnes, & singulas indulgentias, sub quacunque forma concessas*) non suspenduntur indulgentiae directè concessæ animabus fidelium defunctorum, ut patet ex ipsa concessione, ergo: maj. est ex Declaratione Innocentii XII. in n. 1481. ubi not. ex notione Declarationis, rectè inferri, quod per dispositionem declarativam exceptum dicitur, etiam exceptum esse in lege declarata, quantumvis alias indefinitè, ac generaliter loquatur. Nam declaratio nihil novi statuit, sed solum explicat, quod prius, sed minus clarè dispositum erat. V. dicenda in seqq.

**1493** Not. autem, cùm privilegium altaris privilegiari, aliud sit reale, seu locale, nimirum affixum tali altari; aliud personale, vi cuius celebrans in quocunque altari, licet non dicat missam de Requiem, quavis vice celebrando liberare potest animam ex purgatorio, resolutionem nostram procedere de utroque. Nam sive privilegium sit reale, sive personale indulgentia, vi ejus obtinenda, directè solum est in favorem defunctorum; sed hæc non obstante illa clausula generali non suspenduntur ex dictis, n. 1481. & dicendis, ergo.

## S. 3.

*An durante Jubilao anni sancti, extra Romanam suspensa fuerint indulgentiae, concessæ pro articulo mortis?*

**A** Affirmativam sequitur Layman, Tan. 1491 cit. c. 9. n. 44. ratio eorum desumitur ex eo, quia Urbanus VIII. anno 1625, durante jubilæo anni sancti illius temporis, dispensavit cum Religiosis Societatis IESU, in mortis articulo constitutis, permitendo illis eo anno jubilæi obtinere indulgentiam plenariam juxta suæ Religionis privilegia. Deinde per illam clausulam generalem, extra Romanam suspensa manente omnes indulgentia plenaria in favorem vivorum directè concessæ; sed agonizantes sunt in numero vivorum; ergo. Tertio Sixtus IV. in sua constitut. *Quemadmodum, disertè suspendit indulgentias pro articulo mortis;* ergo idem dicendum est in aliis Jubilæis.

Sed, nisi specificè in decreto suspensorio exprimatur, etiam indulgentias plenarias pro mortis articulo concessas suspendi, probabilius est, etiam Romæ durante jubilæo, illas valere etiam extra Romanam, non obstante dictâ clausulâ generali. Nam sub ejus generalitate eas non comprehendendi, claram probat declaratio Innocentii XII. supra in n. 1481. ibi: *nec indulgentia concessa in articulo mortis.* Et ita sentire videntur Gavant. Alphons. de Leon, Lezana, Peryrinis, apud Gobat de Jubilæo c. 9. n. 44 qui eorundem sententiam tanquam probabilem admittit, eò, quod Romæ scriperint (consequenter propiores, ut intelligerent mentem Pontificis) & Peryrinis tellent, asseri ab Alphonso cit. quod Urbanus VIII. ita declaraverit, ejusque Declaratio publicata fuerit Romæ à vice regente Peminentia.

Confirmatur; quia respectu agoni 1492 zantium universum cessat finis, & ratio propter quam extra Romanam indulgentiae suspenduntur; ergo talis suspensio relate ad illos non haberet locum. 2. Quia sententia exponens clausulam illam generalem cum extensione, vel comprehensione etiam indulgentiarum pro articulo mortis, videntur contraria intentioni Pontificis, quæ est fides omni gudio, & consolatione spirituali repleta; & (ut loquitur Declaratio Innocentii XII. in n. 1475.) quieti conscientia fidelium, quantum fuerit possibile, providere. Accedit, quod propter opiniones quandoque contrarias, solum pro securitate majori, solicitari ac permitti soleant ea, quæ sub controversia opinionum sunt.

Et

1497 Et licet verum sit, clausulam, (*omnes* & *singulas indulgentias, sub quacunque forma concessas*) indefinite, ac generaliter loqui, spectatâ propositione verbali; secûs tamen est spectatâ intentione disponentis; quam non esse adeo generalem, ut verba sonant, constat ex tot limitationibus per declarationem eius factis, ut liquet ex dictis. Nam sub illa generali clausula nullatenus veniunt indulgentiae, qua ne quidem extra jubilæum possunt prodesse vivis, ut constat ex n. 1481. Deinde nec veniunt indulgentiae partiales, ut dicimus à n. 1500. Tertiò, indulgentiae plures concessæ stationibus &c. ut constat ex n. 1482. Quartò, indulgentiae & favores Bullæ cruciatæ, ex Declaratione Clementis & Urbani VIII. teste Diana p. 1. tr. 11. resol. 97.

1498 Quinto, quia favores, & privilegia, per modum *contractus*, aut *remunerationis* concessa (seclusâ gravi, & justa causa) regulariter non revocantur per clausulam generalem, nec revocari possunt, nisi pro illis fiat aliqua compensatio, & in derogationibus exprimatur modus concessionis, v.g. per *contractum*, & cum *remuneratione*, ut notat Castropal. p. 4. tr. 24. D. unic. §. 4. n. 10. & fusiū p. 1. tr. 3. D. 4. p. ult. §. 2. à n. 1. at plures sunt indulgentiae plenariae, aliique favores per *contractum*, vel cum *remuneratione* concessi, præsertim ordinibus Regularium; ergo per eam clausulam generalem non revocantur, nisi fiat compensatio, vel expressio etiam modi *concessioneis*. Ex eo autem, quod Sixtus IV. disertè suspenderit etiam indulgentias *pro articulo mortis*, ut dicitur in n. 1469. non sequitur idem dicendum de aliis jubilæis id non exprimitibus; cùm posteriores Pontifices per subsecutas declarationes, & studium expressum dilatandi gratias, & quantum possibile fuerit, providendi quieti animarum, satis clarè innuant, se in hoc non sequi ejus dispositionem.

§. 4.

*Quid dicendum de aliis indulgentiis, qua concessæ sunt pro defunctis?*

1499 **E**tiam eas suspendi tempore jubilæi tecet Tannerus apud Gobat cit. n. 45. Communiortamen Doctorum opinio affirmat, non suspendi, ut constat ex cit. Gobat, & Castropalo cit. p. 4. tr. 24. D. unic. p. 12. §. 1. n. 7. Nam ratio, propter quam extra Romam suspendantur indulgentiae, du-

*Tom. V.*

rante jubilæo Romano, nullo modo locum habet in indulgentiis, quas obtinere profane non valent vivi, sed pro solis defunctis. Non enim suspenduntur indulgentiae utcunque, sed *in concreto*, nimirum, ut *assequibles à vivis*, quorum absentia, diminuto concursu populorum retardatur solennitas jubilæi Romani, quod sanè nullatenus dici potest de indulgentiis, quæ concessæ sunt pro solis defunctis; quod confirmari potest liquidius, plurium Pontificum declarationibus, ut jam sèpè dictum est, & constat ex declaratione Innoc. XII. Ex hoc colliges etiam durante jubilæo anni Sancti Romæ, non suspendi indulgentias directè concessas pro defunctis, qua annexæ sunt granis, rosaris, numismatibus &c. Ratio sumitur ex num. præced. & præcipua declaratione Innocentii XII. de qua supr.

§. 5.

*An, durante jubilæo anni Sancti, sunt suspenda indulgentiae partiales extra Romam?*

**R**atio dubitandi nascitur ex eo, quod 1500 quidam Pontifices in decreto suspensivo indulgentiarum extra Romam, durante anno Sancto in Urbe, disertè solum exprimant *plenarias*, ut constat ex n. 1467. & 2470. alii autem indefinite loquantur dicendo: *omnes*, & *singulas*, ut diximus n. cit. si enim decretum suspensivum indefinite loquitur, nimirum sub ea generali clausulâ (*suspendimus omnes, & singulas*) videtur omnino etiam suspendi partiales indulgentiae. Nam clausula geminata, *omnia, & singula*, absque limitatione includit omnes, adeoque tam plenarias, quam partiales, seu, non plenarias) ut notar. Gloss. in c. *Ut circa de elect. in 6. V. omnia, & singula;* & ideo Tannerus apud Gobat de Jubilæo c. 9. q. 25. n. 47. negat, esse probabile, tali casu non suspendi partiales indulgentias. Verum, hoc non obstante, probabilius est, nec per illam generalem clausulam (*omnes, & singulas indulgentias*) partiales suspendi, nisi clarè exprimantur; Sic Castropal. p. 4. tr. 24. D. unic. p. 12. §. 1. n. 1. Filliicius, Peyrinis, Lezana, Benzon, Alphonſ de Leon, & Hieron. Gratianus apud Gobat. cit. qui hanc opinionem, num. 48. in fine vocat *probabilissimam*. Ratio est, quia, cùm certum sit, quosdam ex Prædecessoribus suspendisse

*Uu 2 solus*

340 Tract. in Lib. V. Decretal. Quest. XXXVIII.

solum plenarias (ut diximus precedente num.) suspensio per eorundem Successores, quantumvis indefinita, ex eadem ratione, & in iisdem circumstantiis facta, intelligenda venit juxta suspensionem à Prædecessoribus factam, nisi aliud specialiter exprimatur; ergo sicut in illis suspenduntur solum plenaria; sic in ipsis quantumvis loquantur indefinite. Antec. prob. Nam, quod in posteriore lege non fuerat expressum specialiter, id veterum legum, constitutio numque regulis reliquit esse intelligendum est, ut dicitur L. *Principius*: de Appellat. ergo cùm in Decretis suspensivis posteriorum Pontificum non exprimuntur indulgentia partiales, eorum suspensiones sub generali clausula intelligenda veniunt, juxta regulas veterum ac proximarum, quæ præcesserunt, legum, & institutionum à Prædecessoribus eorum à quibus expresse solum plenariae suspenduntur, nisi posteriores aliud specialiter exprimant.

**1501** Confirmatur 1. quia posteriores Pontifices etiam in suis decretis suspensivis, aut eorum declarationibus, expresse dicunt, quod in hoc sequuntur morem suorum Antecessorum quod intendant gratias ampliare, & quantum possibile fuerit, animarum quieti providere, salvo fine per ejusmodi suspensiones intento, de quo n. 1469. ut constat ex predictis: at hoc non statet, si per eam clausulam generalem, prater indulgentias plenarias, suspendentur partiales; cùm id non fecerint eorum Prædecessores; & revera (etiam eas tollere, & suspendere) non sit, *gratias ampliare, non providere, quantum possibile fuerit salvo fine principali ter intento* per ejusmodi suspensiones, ut pater consideranti; ergo.

**1502** Confirmatur 2. quia licet clausula (*omnes & singulas*) sit indefinita, in hoc tamen casu non esse indefinite accipiendam, sed solum restrictè ad plenarias, Suidet 1. materia substrata, cui derogat, quæ summè favorabilis est, consequenter, quanto minus potest, laeti debet per eam clausulam odiosam. Suidet 2. mens, & intentio Pontificum solum volentium suspendere indulgentias, quarum consecutio extra Romanum, retardaret concursum populorum, & Romani jubilæi solennitatem. Suidet 3. quia, licet clausula *etiam geminata omnia, & singula includat & sine limitatione*, si consideretur secundum se; secus tamen est in casu, quo limitatur vel ex fine directo di-

spositionis, vel à materia substrata, vel denique ab ipso jure; Sic autem evenire in nostro casu constat ex n. 1500. ergo.

§. 6.

*Quæ facultates prater indulgentias suspendantur tempore anni sancti?*

**R** Esp. Suspensi solum eas, quæ concessione sunt indulgentiarum causæ; consequenter eos, qui aliunde, ac independenti ab indulgentiis quasdam facultates concessas habent, absolvendi à reservatis & censoriis, dispensandi, commutandi, &c. libere iisdem uti possunt, etiam dum Romæ celebratur annus sanctus, nisi aliud specificè exprimatur; Sic Castropal. p. 4. tr. 24. D. unic. p. 12. §. 1. n. 9. & complures alii. Constat 1. ex Constat. Gregorii XIII. de qua n. 1467. ibi: suspendimus quascunque indulgentias plenarias, etiam ad instar jubilei, & earum causæ facultates, concessiones & indulta quæcunque à Nobis, & dicta Sede, ejusque auctoritate concessas; ergo sic intelligenda veniunt etiam posteriorum Pontificum dispositiones suspensivæ, nisi expresse addant contrarium, cùm, ut sapientium est, favere velint, quantum possibile fuerit, salvo fine, propter quem talis dispositio suspensiva inducta est.

Secundò, quia licet in Decreto suo 1501 spensivo indulgentiarum & facultatum non addatur illa particula limitans indulgentiarum causæ, ut habet Gregorius cit. suspensionem tamen facultatum non indefinite factam esse, sed restrictè solum ad facultates indulgentiarum causæ concessas, Suidet 1. rationes omnes allatae à n. 1500. quibus ostendimus, clausulam non debere extendi ad indulgentias partiales: sed solum intelligi de plenariis. Secundò, quia licet Clemens, & Urbanus VIII. in suis Decretis suspensivis durante anno sancto indulgentiarum & facultatum non addiderint ly indulgentiarum causa, consequenter locuti videantur de omnibus facultatibus: restatur tamen Cardinalis de Lugo D. 20. n. 145. apud Gobat cit. 10. n. 49. Clementem & Urbanum declarasse, non fuisse sua intentionis, suspendere, nisi illas facultates, quæ fuerunt aliquibus concessæ in ordine ad lucrandas indulgentias, seu occasione lucrandarum indulgentiarum; Ex hoc enim per n. 1492. clarè sequitur, non omnes facultates esse inclusas in Decreto suspensivo, sic declarato, quantumvis utente illa generali

### In Tit. XXXVIII. De Pœnitentiis & Remission. 341

rali clausula. Denique certum est experien-  
tiā, & constanti usū, etiam durante anno  
sancto, Superiores Regularium & Ordina-  
rios, specialibus privilegiis munitos ad di-  
spensandum in certis casibus matrimonii,  
petendi debiti, legitimationis, casuum re-  
servatorum, dictis facultatibus uti, quan-  
do eas non occasione jubilai aut indulgen-  
tiarum, sed aliundē & independenter ab il-  
lis habent.

1505 Ex dictis collig. 1. privilegia Regula-  
rium, quibus continentur certa facultates,  
ipsis independenter ab indulgentiis concessae,  
*absolvendi è certis casibus, censuris, vel aliis  
obligationibus; commutandi vota, dispensan-*  
*di in eis carnum, in horis canonici, in pe-*  
*nititione debiti conjugalis, & similibus, salva*  
*confistere etiam durante anno Sancto iisque*  
*liberè uti posse;* Sic Castropalatus cit. n. 9.

1506 Colliges 2. facultates concessas, non  
ab ipso summo Pontifice, vel Sedi Apostolice  
authoritate, per decretum suspensivum  
indulgentiarum, & facultatum, durante  
anno Sancto, non suspendi. Ratio est  
ex n. 1503. quia decretum suspensivum ex-  
presse loquitur de facultatibus concessis à  
Nobis, vel auctoritate Apostolice Sedis. Ex  
hoc fit, Curatos, qui a suo Episcopo ha-  
bent facultatem in casus reservatos, etiam  
durante anno Sancto eadē liberè uti  
posse.

1507 Collig. 3. nec per suspensionem fa-  
culturum tempore anni sancti, intelligi fa-  
cultates remittendi, vel componendi incer-  
ta, si male ablata non sint. Nam illa  
solum suspensa censeri debent, quae refe-  
runtur in Extravagante. *Quemadmodum;*  
nisi posteriores aliud exprimant; at ibi ex-  
primuntur facultates eligendi Confessarium,  
cum potestate, absolvendi à reservatis, cen-  
suri, & aliis pœnis, commutandi vota vel in eis  
dispensandi remittendi, vel componendi incer-  
ta male ablata; quia hac frequenter concedi  
solent gratiā consequendi jubilatum, ac  
commoda illius consecutioni. Sic Castro-  
pal. l.c.

### ARTICULUS V.

De Jubilais extra annum Sanctum.

1508 Certeum est, etiam extra annum San-  
ctum, qui hodierno jure celebratur  
quovis anno 25. concedi jubilaa, seu in-  
dulgentias cum facultatibus annexis, sub  
onere certorum operum praescriptorum.

Tale fuit jubilatum, quod Innocentius XII.  
concessit anno 1693. ad implorandam di-  
vinam opem pro pace inter Principes Chris-  
tianos, cuius constitutio incipit: *Ubi pri-  
mum humilitatem nostram.* In ea namque  
*omnibus, & singulis Christi fidelibus,* utrius-  
que Sextis, tam Laicis, quam Ecclesiastis-  
cis, secularibus, vel Regularibus, *cujusvis*  
*ordinis, Congregationis, & instituti, tam*  
in Urbe, quam extra eam, ubique loco-  
rum degentibus, qui opera præscripta per-  
egerint, concessit 1. plenissimam omnium  
peccatorum suorum indulgentiam, & remis-  
sionem, sicut in anno jubilai visitantibus  
certas Ecclesias intra, & extra Urbem, con-  
cedi consuevit.

Concessit 2. *prædictis omnibus licen-*  
*tiam, & facultatem, ut sibi, ad hunc effe-  
ctum, eligere possint quemcunque Presbyter-  
um confessarium, tam secularem, quam  
cujusvis Ordinis, & instituti Regularem, ex  
approbatib; ut præmittitur, à locorum Or-  
dinariis, qui eos ab excommunicationis,  
suspensionis, & aliis Ecclesiasticis sententiis,  
& censuris à jure, vel ab homine qua-  
vis causā latis, seu inflictis, nec non ab  
omnibus peccatis, excessibus, criminibus,  
& delictis quantumvis gravibus, etiam lo-  
torum Ordinariis, sive Nobis, & Sedi Aposto-  
lice, etiam in literis die Cena Domini legi  
solitis, contentis, & alias per quacunque  
nostras, aut Romanorum Pontificum,  
Prædecessorum nostrorum, constitutio-  
nes, quarum tenores præsentibus haberi  
volumus pro expressis quomodo quaque re-  
solutis in foro conscientia, & hac vice tan-  
tum, absolvere, & liberare valeant, &  
insuper vota quacunque (Religionis, & ca-  
stitatis exceptis) in alia pia, & salutaria  
opera commutare, injuncta tamen eis, &  
eorum cuilibet in supradictis omnibus cas-  
bus pœnitentiā salutari, aliisque ejusdem  
Confessarii arbitrio injungendis.*

Opera vero ad lucrados hujus jubilai  
favores præscripta his, qui sunt extra Ur-  
bem Romanam, erant sequentia in 3. *Ce-*  
*teris verò, qui sic habet: ceteris vero ex-*  
*tra Urbem, ubiunque degentibus, qui*  
*Ecclesias ab Ordinariis locorum, vel eorum*  
*Vicariis, seu Officialibus, aut de eorum man-  
dato, & ipsi defientibus, per eos, qui*  
*ibi curam animarum exercent; postquam*  
*ad eorum notitiam haec nostræ pervenerint*  
*designandas, vel Ecclesiarum hujusmodi*  
*aliquam spatio durarum similiter hebdomada-*

Uu 3

rum